

zuzendariari

(0034) 943 300 222

OHARRA: Ahalik eta iritzi gehienek izan dezaten tokia, ez da komeni makinazko 15 lerro baino luzeago idaztea gutun hauetan. Idatzi duenaren izena, telefonoa, helbidea eta NAren zenbakia agertu beharko dira. Laburtu behar izanez gero, zuzendaritzak bere esku du horretarako eskubidea. Erdaraz iristen diren gutunak ez dira argitaratuko.



zuzendariari@egunkaria.com



Gudarien etorbidea, z/g 20140 Andoain

Askatasuna

Juan Luis Mugertza Unanue

Gabi nire lankide bat da eta askatasuna maite du. Batzuetan askatasuna mendia-
ren puntan aurkitzen du, bere ikasle
bihurriengandik oso urrun.

Horretarako egutegiaren gorriak ahal-
bideratzen dion tarte aprobatzen
du, hegan egiteko eta oso txukun egoki-
tutako furgonetaren barruan amets egi-
teko. Bestetan etxeko epelaren babese-
an askatasunaren garroak barreiatuta
antzematen du eta horrek aste barruko
aldapa gogorrari aurre egiteko indarra
ematen dio.

Dena den, astebukaera honetako
askatasuna ez du ez mendian ez etxean

dastatuko. Astebukaera honetako aska-
tasuna preso dagoen txoriaren kantua-
ren antzera Euskal Herriko oso urrutik
kateatuta entzungo du, bertan baitago
askatasuna aspaldian galdu zuen eta
berak oso maite duen laguna.

Ostiraleko ilunabarrak arratsaldearen
argia moteldu aurretik, autobus anoni-
mo batek Gabi eta berarekin batera
joango direnak bere baitan hartuko ditu
eta espainiar estatua alderik aldera
eramango ditu, Jereza. Gauaren hotzak
eta auto bakan batzuen argitasunak eus-
kal presoen senide eta lagun batzuen
loaldi arina oztopatzen saiatuko dira
euren gorputzaren mugimenduek eta
autobuseko literaren gogorrak etxeko
ohearen gozoa gogorazten dieten bitar-

tean. Batzuk Jerezen bertan gelditu-
ko dira, baina Gabik pateren inguru-
an burutzen diren tragikomedia-
ren herrira (Algeciras) joateko beste
autobus bat hartu beharko du eta
beste ehun bat kilometro eskupe-
ko gehiago egingo ditu. Bitartean beste-
ok ahoa bete txibia etikaz eta mora-
laz gure ahasbaita gozatzen egongo
gara. Bertako autobus-gidariak, bidaiari
berrien hizkuntzaren tonu arrotzaz
jabeturik, ez du inolako bereizketarik
egingo, besteen jaieguna bere laneguna
baita.

Hiriburura heldu eta giltzapetutako
askatasunaren espetxea ez dute begi
bistan izango. Oraingoan taxia hartuko
dute eta beste lau kilometro egingo

dituzte *Botafuego* izeneko espetxera hel-
tzeko. Bitartean taxistaren irratia-
ren musikaren doinuak Afrikatik gertu dau-
dela adieraziko die.

Astero zenbait euskaldunek pasatuta-
ko abenturaren gastuari (autobusez
egindako bidaiak 20.000 pezeta balio
du, taxiak, jatorduak...) herri baten aska-
tasunaren alde borrokatzen diren seni-
deen duintasunari hartutako tra-
tua gaineratzen badiogu, ezin esan aska-
tasunaren bila joatea merkea denik.
Baina merezi duela ez du inork zalantza-
tan ipiniko, bestela galdetu Gabi bezala-
koei zenbat balio duen holako astebuka-
era aberatsaren osteko hurrengo
egunean inoiz baino askatuago eskolara
joateak.


montxo



galdeiozu... ?

hirusta

Koldo Almandoz



**Zergatik utzi zenuen zure
herria, eta zergatik aukeratu
zenuen Euskal Herria
bizitzeko?**

Aitor Jimenez (Eibar)

**BOLAJDI OMER
BERTIN OKE**

**Eusko Jaurilaritzako
Immigrazio zuzendaria**

Nik ez dut utzi Benin. Nire herrialdearekin lotuta
jarraitzen dut. Han ditut familia, lagunak, ohitu-
rak eta erroak. Ikasketak egiteko onartu nindu-
telako etorri nintzen Euskal Herrira. Duela 10
urte etorri nintzen eta esan dezaket esperien-
tziak merezi izan duela. Gustura nago oso, lagun
talde bat eratu dut eta harreman serioak eta ga-
rrantzitsuak ditut. Euskal Herriko gizarteak
onartu egin nau naizen bezala. Etxean bezala
nago.

Azaroaren 13tik aurrera **Ixiar Rozas** • **idazlea** izango da Galdeiozu
ataleko gonbidatua.
Bidali zure galderak ordurako.



Keinu inutilen katalogo utila

Egunkarietan egunero topatzen ditugu
keinuetan oinarritzen diren albisteak.
Askotan, imintzio horien helburua
atentzioa deitu eta egunkarietan ateratzea
besterik ez da. Esandakoa adieraziko duten
adibideak aipatuko ditut. Aste honetako
egunkarietan irakurritakoak dira:

1- PPK, Bizkaiko golkoan bale erreserba
natural bat egitea proposatu du. Urteetan
euskaldunok, beste batzuen artean, baleak
hil ditugu. Orain, ordainean edo, «bale santu-
tegi» bat egin beharko genukeela dio PPK.
Ziurrenik, interes ekologikoaz haratago,
turismoa erakartzeko estrategiaren bat izan-
go da. Guggenheim-en txalupa hartu, eta
Moby Dick ikustera *Ahab Oreja* dugula kapi-
tain pilotu...

2- Ermuko Udalak Estatu Batuetako bande-
ra jarri du udaletxean irailaren hamaikako
gertaerak gogorarazteko. Eta, bide batez, mi-
lioni bat pezetako balioa duen laguntza «huma-

nitarioa» bidaliko du Afganistanera. Noiztik
dago «*we are the world*» Mendiluze Ermuan al-
kate? Dirudienez, udaletxean garai bateko ar-
gi eta foroen distiren falta sumatzen dute.

3- Hispaniako Felipe printzipea baskoien
erreinuan izan da. Batasunak, *sumajestad*-i
bostekoa eman eta bakearen bidean lagundu
dezakeen dokumentua eman zion eskura.
Keinu horrekin, Felipek bere ezkontzara gon-
bidatuko dituela uste badute... nik ez nuke
itxaropen handirik izango.

Zertan izan den utila keinu inutilen katalo-
go hau? Ba, zoritxarrez, behin eta berriro erre-
pikatzen diren albisteen artean, auzolotsa sor-
tzen dutenak ere topa daitezkeela erakusteko.
Marrazkiz ez ezik, hitzez eginiko biñeta komi-
koak ere badirela frogatzeko. Euskal Herrian,
surrealismoa erlijio nagusia dela aldarrikatze-
ko. Eta geure buruari, egunero, egunkariak
irakurtzen jarraitzeko motiborik badugula go-
gorarazteko.